

29 Augustus 2013

Jaargang 6 – Uitgawe 28

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad
- Aanhangsel



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Kleipotte wat maklik breek

Ek het drie verwagtinge van die Algemene Kerkvergadering wat voorlê. Mag dit 'n vergadering wees waartydens ons ons as Kerk voor die Here verootmoedig, ons sonde bely en berou toon oor die gebrokenheid in die Kerk. Maar mag dit ook 'n vergadering wees waarin ons met dankbaarheid die voorreg om God se instrument in die wêreld te mag wees, sal herontdek. Mag ons dan, laastens, ook met nuwe hoop en entoesiasme die toekoms ingaan.

Ek koppel graag hierdie drie verwagtinge aan drie gedeeltes in die Skrif.

Die eerste is Paulus se beeld van die kleipot wat maklik breek in 2 Korintiërs 4. Ons het sedert die vorige Algemene Kerkvergadering die gebrokenheid in die Kerk intens beleef. Die pynlikheid daarvan het op ons almal 'n letsel gelaat. Daarom is hierdie komende vergadering beslis 'n geleentheid vir selfondersoek, berou en bekering. Miskien het ons in die verlede te veel op die behoud van die kleipot, naamlik die Kerk, gekonsentreer en te min op die skat in die kleipot, naamlik die evangelie van Jesus Christus se sterwe en lewe. In hierdie opsig het die pynlike gebeure van die afgelope tyd in die Kerk tog ook 'n helende effek gehad. Die kleipot moes eers breek sodat ons weer die skat kon ontdek.

Die tweede beeld wat my aanspreek, is dié van die profeet Elisa wat vir die weduwee vra: Wat het jy in jou huis? En sy dan reageer met: *Ek het niks in die huis nie behalwe 'n erdekannetjie olie* (2 Kon 4: 2). Ons ken die verhaal van die wonderwerk wat toe plaasgevind het en hoe die Here met daardie bietjie olie vir haar voorsien het. Soms lyk dit wat ons het en wat ons doen mos maar gering. Maar as ons dit in diens van die Here gebruik en aan Hom oorlaat, kan daar groot dinge daarmee gebeur. Mag ons in hierdie vergadering weer waardering kry vir dit wat die Here wil hê ons as Kerk moet doen. Mag ons onself aan sy leiding oorgee en vertrou dat Hy ons wil gebruik om 'n verskil te maak in die tyd en omstandighede waarin ons onself bevind.

En laastens is daar die pragtige beeld van die profeet Jeremia wat na die pottebakker se huis gaan en daar sien hoe die pottebakker die stuk klei wat misluk, weer op die wiel plaas en dit vorm soos hy dit wil hê (Jer 18). Dit bly nog altyd vir my 'n troos in my lewe dat die pottebakker nie die klei weggooi as dit misluk nie, maar weer daardie selfde stuk klei vat en dit hervorm. Mag die Here dit ook in hierdie vergadering met die Hervormde Kerk doen.

My gebed vir die vergadering is: *Leer my u wil, Heer, u plan vir my – U, Pottebakker, met my, die klei. Vorm my en maak my volgens u wil; op U vertrou ek, nederig stil. Hou my erkentlik, Heer, in u werk. As ek dan swak is, maak U my sterk. Vul met u Gees my, breekbare kruik, dat U my oral nuttig gebruik* (Ges 528).

**Dr Gerhard Lindeque
Midstream**

Skakels

Webblad van die Hervormde Kerk www.nhka.org
Die Hervormer www.hervormer.co.za
e-Hervormer www.hervormer.co.za/e_Hervormer.html
Indien u nie weer die e-Hervormer wil ontvang nie, stuur 'n e-pos na karen@nhk.co.za



BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhka.org te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

Beroep aanvaar

- **Ds Jan Claassen** van Strand na Naboomspruit
- **Prop Gerhardt Venter** (beroepafwagting) na Saffierkus



Ds Jan Claassen Prop Gerhardt Venter

PREDIKANTE EN GEMEENTES

Stuur asseblief berigte oor lief en leed en gemeentegebeure na produksie@nhk.co.za. Die redaksie doen alles in hul vermoë om inligting korrek weer te gee, maar maak vanselfsprekend staat op die integriteit van die besonderhede soos verskaf.



Dr Hein en ds Mariaan Delport

- **Dr Hein** (Krugersdorp) en **ds Mariaan** (Sionspoort) **Delport** het vir die eerste keer ouers geword. Hul babadogtertjie Thalia is op 14 Augustus gebore. Baie geluk aan die nuwe ouers!
- Emerituspredikant **dr Hennie van Deventer** is reeds uit die hospitaal ontslaan en dit gaan nou beter met hom. Dr Hennie en Magda bedank almal vir hul ondersteuning en belangstelling.
- **Mev Petra Badenhorst**, vrou van emerituspredikant ds Stoffel Badenhorst, ondervind tans ernstige gesondheidsprobleme. Ons bid die egpaar sterkte toe, en vertrou dat mev Badenhorst gou beterskap sal ervaar.
- Daar is nog 111 **geloofsbriewe vir die komende AKV** uitstaande. Die geloofsbriewe moet mev Karen Breedt **op die laaste teen 6 September** bereik aangesien die presensielys nou gefinaliseer moet word. Die geloofsbriewe wat voltooi moet word, is vir gemeentes se gerief as aanhangsel by hierdie *e-Hervormer* aangeheg.
- Baie dankie aan die predikante, gemeentes en ringe wat moeite gedoen het om op **Mediasondag 25 Augustus** die kerklike publikasies bekend te stel. Die bestellings is altyd meer vanuit gemeentes waar veral ons predikante positiewe terugvoer oor die publikasies gee. Dit is 'n feit dat pryse laer sou bly indien meer intekenaars gewerk kon word. Daar word deur die onderskeie redaksies baie hard daaraan gewerk om ons lidmate ingelig te hou met stewige artikels in die gereelde publikasies, maar ironies genoeg kry ons dikwels die beste terugvoer van nie-lidmate!
- **AKSIEGROEP VIR BEJAARDES**. Het jy geweet? Dit is 'n biologiese feit dat die kenmerkende liggaamsveranderinge wat met die verouderingsproses gepaardgaan, aan 'n vermindering van verdelende en nie-verdelende selle toegeskryf kan word. Dit is ook waar dat alle liggaamsorgane nie teen dieselfde tempo verouder nie en ook dat individuele verouderingsverskynsels van persoon tot persoon verskil. Daarom dat party persone op 65-jarige ouderdom reeds duidelike tekens van veroudering toon, terwyl ander op 80-jarige ouderdom relatief jonk voorkom. Vir meer inligting, kontak die **ADV se Werkgroep vir Bejaardes (die AGB)** by 082 786 8448.
- **Ds Willem Slabbert** het laat weet dat **Gemeente Grootvlei** dringend 'n orrel, 'n Nagmaalservies en 'n kateder benodig. Kontak ds Slabbert asseblief by 082 296 4150 indien u kan help.



aksiegroep
vir bejaardes

- **ADV SE JAAR VIR GESTREMDHEID. Respekteer en akkommodeer.** Moenie ooit met 'n volwasse persoon met 'n gestremdheid praat asof hy/sy 'n klein kindjie is nie. Hulle is volwasse, funksionerende grootmense wat intelligente gesprekke kan voer. Gemeentes word aangemoedig om gedurende September 'n **Sondag vir Persone met Gestremdheid** te vier. 1 September se deurkollekte is reeds vir Diakonale Kinderversorging en die *Beeld*-Kinderfonds toegewys.

- **LOSLITDAG 6 SEPTEMBER.** Talle gemeentes, lidmate, besighede, ensovoorts, koop jaarliks hul Loslitdagplakkers ten gunste van gestremdheid. Die Kerk is betrokke by Loslitdag deur **TOIBO** (Transoranje Instituut vir Buitengewone Onderwys). As jy jou plakkers deur TOIBO bestel, kry TOIBO R4 daarvan en die Nasionale Raad vir Gestremde Persone die ander R6. Daaruit kry TOIBO dikwels ook weer 'n bedrag geld. Om te bestel, kontak Arina Jooste by toibo@nhk.co.za of 012 320 7644. Sonet Esterhuizen kan ook gekontak word by die ADV-kantoor, 012 322 8885 x221.

Spesiale eredienste en feesnaweke

- **Gemeente Newcastle: Feesweek Nog tot Sondag 1 September**
Countryfees
Donderdag 29ste om 18:00: Koekversierkompetisie
Vrydag 30ste 14:00-19:00 en *Saterdag 31ste* 08:00-13:00: Countrybasaar
Saterdag 31ste 09:00-12:00: Plaaskombuis-ontbyt
10:00: Sterkmankompetisie
18:00: Countrydans met Back 2 Front
Sondag 1ste om 09:00: Dankseggingsdiens met ds Hennie Louw
Navrae aan ds Hennie Louw by 084 508 7849
- **Gemeente Ottosdal: *Amazing Race*: 30-31 Augustus 75 geseënde jare**
Vrydag 30ste: Kampvuur-kuieraand by Ottosdal-skougronde
Lapas, braaivleis met pap en sous, poeding...
Saterdag 31ste: Stap-wedloop, basaar en stalletjies
Van vroeg tot laat
Kontak ds Adriaan Benadie by 082 763 2728 of ottosdal@nhk.co.za
- **Gemeente Otjiwarongo: 75-jaar-viering: 6-8 September**
Vrydag 6de: Optrede deur opkomende musiekster Lisa Brönnner
Saterdag 7de: Feesgeleentheid
Stalletjies, gesinsvermaak, potjiekoskompetisie en jaarlikse naggholf
Sondag 8ste: Hoeksteenonthulling en erediens
gelei deur ds Barrie Oberholzer
Vir verdere inligting, inskrywings of borge kontak ds Elritia le Roux +264 876 3664 of e-pos propeleroux@gmail.com
- **Gemeente Sannieshof: Feesnaweek: 6-8 September**
Vrydag 6de en Saterdag 7de: Mielie Makietie 2013 met Adam Tas (*Sien Basaars en markte, bladsy 9, vir meer inligting hieroor*)
Sondag 8ste: Uitreik met Geloof-in-aksie Motorfietsklub
Ds CJ van Wyk van Randburg lei die erediens
Navrae aan ds Paul Kern by 082 494 5347
of stuur 'n e-pos aan Elsa by elsaj@lantic.net
- **Gemeente Witfontein: 50-jaar-feesvieringe: 14-15 September**
Saterdag 14de: Almal trek tematies aan soos in 1963
50 potjies prut stadig gaar
Armand Thunder Merwe, The Singing Cowboy, tree op om 16:30

**Aksiegroep
Gestremdheid**





Sondag 15de: Dankdiens om 09:00
Saalkompleks se hoeksteenonthulling (na 13 jaar kontant voltooi!)
Watter jaar vir Witfontein – 50 jaar oud, 10de Delwersfees
en saalkompleks is voltooi!
Navrae aan Jimmy by 083 254 4771 of Janine by 083 260 0983

- **Gemeente Wonderboompoort: 60-jaar-viering: *Sixties* 25, 26 en 27 Oktober**
Op kerkterrein in Eloffsdal, Pretoria
Stuur groetewense, staaltjies, herinneringe en foto's vir gedenkblad
Baardgroeikompetisie vir die manne
Modeparade met toeka se klere vir die dames
Kontak skriba Sieg Schwarzer by 012 335 4181 vir meer inligting
Gedenkbladbydraes aan ds Carel-Johann de Bruin by cjdb@telkomsa.net
- **Gemeente Goede Hoop (Piet Plessis): 100 jaar Feesnaweek 29 November tot 1 Desember**
Basaar en hoeksteenoprigting (met optrede deur sanger Pieter Smith)
asook Voorbereiding Saterdag
en Nagmaal en Danksegging met Doop Sondag
Gedenkalbum teen R440 plus posgeld
Kontak Dolla Coetzee by dollacoetzee@telkomsa.net
of 073 170 5325 om te bestel
Navrae aan ds Arno Nieuwhof by 073 240 6030
of arnonieuwhof@gmail.com of op sy Facebook-blad

Predikanteverjaardae

- **Die volgende predikante verjaar tot 6 September, en word hartlik geluk gewens.**
 - o Donderdag 29 Augustus: Ds Jan van Immerzeel (emeritus)
 - o Saterdag 31 Augustus: Ds Koos Naudé (emeritus)
 - o Sondag 1 September: Ds Tertius Hindley (emeritus)
 - o Dinsdag 3 September: Ds Marthinus van Staden (Gaborone)
 - o Woensdag 4 September: Ds Giel Malan (Newlands)
 - o Donderdag 5 September: Ds Deirdré van der Merwe (Bethlehem/Reitz)
 - o Vrydag 6 September: Ds Paul Buitendag (Volksrust)

Beplande vergaderings

- o Donderdag 29 Augustus: Direksie van Ons Tuis
- o Woensdag 4 September: Direksie van die Kinderhuise
- o Donderdag 5 September: Kommissie van die AKV
- o Vrydag 6 September: Kommissie van die AKV

Kursusse en toerusting

- **Toerusting van predikante, kerkraad en lidmate Intensiewe bejaardesorgbediening Saterdag 7 September 08:30 tot 11:00**
Ring van Pietermaritzburg, te Gemeente Durban-Suid
Aangebied deur dr Hennie van Deventer
Navrae aan prof Bieks Beukes by 072 036 4960
- **Toerusting van bejaardes in die ring van Klerksdorp**
Tema: *Alzheimers – Hoe voorkom 'n mens dit?*
Aangebied deur Gemeente Klerksdorp-Doringkruin se Goue Jare
Vrydag 13 September om 10:00 by die kerk



Tee en verversings sal bedien word
Spreker: Dr Hilda Kleynhans (direkteur van die Noordwes-streek vir Alzheimers)
Daar sal boeke oor Alzheimers te koop wees
Antwoord asseblief voor of op Maandag 9 September
Tel 018 468 5545
Faks 086 688 7257
E-pos nhkoringkruin@telkomsa.net

Beskikbare behuising

- **Gemeente Philadelphia** het **akkommodasie** beskikbaar vir 'n **student**. Dit bestaan uit 'n privaatkamer met gemeenskaplike ablusie en kombuis. Dit is binne stapafstand van die Universiteit en daar is veilige parking. Die koste is R2 860 per maand, wat skoonmaakdienste een maal per week insluit. Kontak Elize Fourie by 012 362 7237 tussen 08:30 en 12:30 op weksdae, of dr Sanrie de Beer by 083 226 1866, of stuur 'n e-pos na philadelphia@nhk.co.za.
- **Louis Trichardt Monumenttehuis in Danville** bied enkel- en dubbelkamer-inwoning vir **bejaardes** wat nog selfversorgend kan funksioneer. Aangename huislike atmosfeer, 2 x etes ingesluit by losies, billike tariewe. Gereelde sosiale programme. Vir meer inligting, kontak mev Marie Hunter by 012 386 5310.
- **Andries-Marié Oosthuizen Monumenttehuis-woonstelle in Parys**
Daar is tans die volgende behuising vir senior burgers beskikbaar:
2 x enkelkamer met 3 etes, wasgoed en skoonmaak van kamer 1 x per week
1 x lieflike enkelkamer met eie kombuis, stoep en tuin,
met 3 etes, wasgoed en skoonmaak van kamer 1 x per week
R5 800 per maand
Kontak matrone Botha by 056 811 2185 vir meer besonderhede
- **Piet Potgieter Monumenttehuis in Mokopane (Potgietersrus)**
Die volgende akkommodasie is tans beskikbaar:
4 x kamers met eie geriewe, ontbyt en middagetete ingesluit
Gesik vir selfversorgende bejaardes wat self hul kamer en wasgoed kan doen
Rustige, plattelandse dorp ideaal vir aftrede
Kontak bestuurder, mev Mariana van Tonder, by 015 491 6314
- **Gratis verblyf beskikbaar tydens die AKV einde September**
Kamer met 2 enkelbeddens (Erasmia)
Kontak Isme (Dalton) Gates by 082 962 2870

2013

COURT CLASSIQUE
SUITE HOTEL - PRETORIA

www.courtclassique.co.za

ALGEMENE KERKVERGADERING
Sondag 22 September - Saterdag 28 September 2013
AULA | UNIVERSITEIT VAN PRETORIA

Spesiale tariewe beskikbaar by die vier-ster Court Classique Suite Hotel, Pretoria op 'n BED & ONTBYT BASIS TEEN SLEGS
R670 per enkelkamer, per nag
Meld asseblief die kongres se naam tydens u bespreking om die afslag te ontvang

Gratis vervoer na die AULA* | Gratis internettoegang
Naby aan Gautrain Hatfield | 58 Suites met ingeboude 'kitchenette'
Orange Restaurant op perseel | Swembad op perseel
*Terme & voorwaardes geld.

[/CourtClassique](https://www.facebook.com/CourtClassique) [/CourtClassique](https://www.instagram.com/CourtClassique) [/CourtClassique.co.za](https://www.linkedin.com/company/CourtClassique)

GAUTRAIN TRAVELLERS : Hatfield & Pretoria stations 5min away | Book a transfer or use the Park Street bus stop to reach us.
reservations@courtclassique.co.za | T: 012 344 4420 | 743 Francis Baard Street, Arcadia



Konserte en feeste

- **Sondag 1 September om 18:30: Gemeente Pretoria-Oos**
Orrelkonsert met prof Wim Viljoen
In kerkgebou hv Dely- en Matroosbergweg
Toegang GRATIS
Die gemeente se orrel word 40 jaar oud!
Verversings in die saal na die konsert
Navrae aan Pieter van den Berg by 072 041 3954 / pieter@allensa.co.za
- **Saterdag 21 September om 09:00: Gemeente Hartebeeshoek**
Nataniël
La Louise Venue, Willem Cruywagenstraat 155
Hestepark, Akasia
Koste: R170, koffie, tee en verversings na vertoning
Kontak Lizette Goosen by 082 539 1456
of Mariana de Villiers by 072 128 2692
- **Saterdag 5 Oktober om 14:30: Gemeente Turffontein in Johannesburg**
Damestee: Vrouedag met Sonja Herholdt
NG Kerksaal, Dalehamstraat, Mondeor, Johannesburg
R100 per persoon
Skakel mev Pikkie van der Westhuizen by 083 320 8262
of Nellie Stipek by 083 449 6155 vir besprekings en besonderhede
Verversings sal bedien word

Kampe en toere

- **Toer saam na Israel en Egipte: 28 November tot 7 Desember 2013**
Beleef God in die voetspore van Jesus
Toerleiers: Ds Fanie Beukes en dr Francois Carr
Vir meer inligting, kontak ds Beukes by 073 167 1183
of per e-pos by faniebeukes@yahoo.com
- **Konteks-leserstoer na Turkye: 1 tot 17 Mei 2014**
15 dae op die voetspore van Paulus, Johannes en die eerste Christene
Toerleier: Prof Ernest van Eck
Kontak prof Van Eck by 012 420 3804 / 082 413 2332 /
ernest.vaneck@up.ac.za
of Louise Geyser (reisagent) by 012 361 0579 / 082 560 4279 /
louise.geyser@absamail.co.za

Sportbyeenkomste

- **Saterdag 7 September: Gemeente Carletonville: Gholfdag**
Goldfields West Gholfbaan
Skryf in vir 'n 4-bal, of borg putjies, skenk pryse, maak donasies
Borgskap: R1 800 per putjie (sluit 'n 4-bal in en kan promosiemateriaal bevat)
Indien slegs 'n putjie geborg word sonder die 4-bal: R1 000
Andersins R200 per speler
Navrae aan Ockie Brits by 082 850 7966 of Hanlie Brits by 084 512 9297
- **Donderdag 12 September: Lente-gholfdag**
Gemeentes Silverton en Noordwestelike Pretoria
Akasia-gholfbaan
Inskrywingsgelde R300 per speler en R1 200 per vierbal
Borg-'n-putjie: Kortgate R2 000, ander R1 800 (vierbal telkens ingesluit)
Donasies ook welkom
Kontak Stephen 083 781 2955 / Pierre 083 254 2604 / Steve 084 589 1306



Kompetisies en fondsinsamelings

- **Gemeente Witfield: Boog- en geweerjagkompetisie**
Kaartjies: R100 donasie
1ste prys: Koedoebul, sebra, blouwildebees, 2 rooibokke, 2 blesbokke plus 5 dae en 4 nagte verblyf
2de prys: Blouwildebees, sebra, rooibok, blesbok plus 4 dae en 3 nagte verblyf
3de prys: Blouwildebees, rooibok, blesbok plus 3 dae en 2 nagte verblyf
Geborg deur Nyalarus-wildplaas tussen Groblersdal en Marble Hall
Plaas se professionele jagter kan gebruik word
Kontak Adri Nel by 084 200 1027
of Chaan Bezuidenhout by 082 853 5895
Sluitingsdatum 31 Augustus, trekking 1 September 2013
- **Gemeente Hartebeeshoek: Lenteloop by Fonteinedal**
Saterdag 14 September
In Christus se voetspore Pretloop
Kom stap 5 km of 10 km
Hekke open om 06:00 vir kaartjieverkope
Pretstap begin stiptelik om 07:00
Te koop: vetkoek-en-maalvleis, pannekoek, koffie, tee, koeldrank
Kontantpryse en ander kleiner trekkings
Medaljes vir almal wat die stap voltooi
Navrae aan Elma Williams by 082 562 5244
- **Gemeente Bergsig: Bybelloop op Saterdag 19 Oktober**
09:00 tot 11:00
By Suiderbergschool In Denyssenlaan, Mountain View
R20 per persoon
Inskrywingsvorm beskikbaar by kerk of op die terrein vanaf 08:00
Donasievorms ook beskikbaar
Kontak ds Freddie Nortjé by 074 308 7332
of oudl Hannes de Wet by 082 424 3560
of Tina van der Schyff by 078 682 7093
- **Gemeentes Hartbeesfontein en Gerdau: Fondsinsameling 1000 Wen-'n-boerdery en Noag-se-ark-skildery**
Geleentheid om R50 000 in te samel
Pakket van 50 kompetisieboekies met 11 kaartjies in elke boekie
Betaal R5 000 vir pakket van R55 000
50 pryse te wen, in totaal meer as R100 000 werd
Wen plaasdiere, bokke, varke, duiwe en vele meer!
Trekking in Oktober 2013
Kontak Barry of Marthie Pretorius van Hartbeesfontein
by 018 431 0331, faks 086 550 1874 of barrypret@lantic.net
Verdere navrae aan ds Petrus Harmzen by 082 777 4253

Basaars en markte

- **Donderdag 29 tot Saterdag 31 Augustus: Gemeente Springs-Oos Springs Fonteinefees**
Sportterrein van Dr Johan Jurgens Hoërskool
Donderdagaand 29ste: Rugby-onthaal met Gerrie Germishuys
Vrydagaand 30ste: Nicholis Louw
Saterdag 31ste: Osbraai met Pieter Koen
Saterdag 31ste vanaf 08:00
Baie kompetisies, uitstallings, kosstalletjies
Kontak Catrien Prinsloo by 083 437 1039



- **Vrydag 30 Augustus: Gemeente Swartkop: Basaar**
14:00 tot laat
Tema: *Franse platteland*
Irelandlaan 107, Eldoraigne, Centurion
Helena Hettema sing vanaf 17:00 – toegang gratis
Baie kos, gebak en speletjies
Kinderdorp: Verfaktiwiteite, gesigverf, ponieritte, springkastele
Valkermvuurpyl, kussinggeveg, maak plekmatjies, tombola...
Kontak Van Rooy van den Berg by 072 199 3900
of die gemeentelike kantoor by 012 654 3471
- **Vrydag 30 en Saterdag 31 Augustus: Gemeente Tzaneen**
Sprokiesland-karnaval
Agathastraat 18, Tzaneen
Kleutertrompoppies, Liewe Heksie-spookhuis, groot tombola
Aktiwiteite vir kinders
Perderit, heerlike eetgoed en vermaak
Beroemde ontbyt en aandete
Navrae aan Maryna Roodt 015 307 4508 / Barrie Williams 082 871 9279
- **Vrydag 30 en Saterdag 31 Augustus: Gemeente Rustenburg-Suid**
Willerste Noordweste Fees
Kockstraat 153, Rustenburg
Vrydag 30ste: Pieter Koen
Kaartjies by Pen en Ink
Lindy Lummis 081 019 3977
R100 (volwassenes) en R40 (laerskoolkinders)
Saterdag 31ste: Koop eetgoed uit elke land
Kuns, plante, boeke, tweedehandse goedere, 2 ton boerewors!
Jeugarena: *Under the sea*
Hamsterballe, ponieritte skatkistombola, seerowerdoolhof...
Hope pryse
Navrae by 014 592 2364
- **Vrydag 30 en Saterdag 31 Augustus: Gemeente Bethal: Lentefees**
Vrydag 30ste 08:00 tot 14:00
Voorafbestellings word uitgevoer
Aandprogram: Ete en vermaaklikheidsprogram
Deurnag: Worsbroodjies, fliet, jeugdiens en ander vermaak vir die jeug
Saterdag 31ste: Speletjies, verfbal en ander vir die kinders
Verkope van pannekoek, kerrie-en-rys, hamburgers, sosaties, vleiskoeke
en baie ander tuisgemaakte goedere
Navrae by gemeentelike kantoor 017 647 3093
- **Vrydag 30 en Saterdag 31 Augustus: Gemeente Randburg**
Sangkompetisie en basaar
hv Kerk- & Dovestraat, Ruitershof, Randburg
Sangkompetisie-oudisies: 26 en 27 Augustus 15:00-17:00 in kerkgebou
Vrydagaand 30ste: The Voice van Randburg
Semifinaal 18:00-20:30 (kerksaal teen R20 inskrywing)
Saterdag 31ste: Finaal 12:00-14:00
Wenner kry koopbewys van R1 000 (Cresta) en 'n radio-onderhoud
Kosstalletjies, teetuin, lewendige musiek, *Minute to win it*-kompetisie,
speletjies...
Navrae aan Elna by 011 787 4983
of ds CJ van Wyk by 082 898 2345 of ds Jaco van Sittert by 083 279 5816
- **Saterdag 31 Augustus: Gemeente Vaalpark: Basaar**
Wildsvleis, kosstalletjies, koektafel, uitstallers...
Uitstallers welkom (R100 per stalletjie)



Hope pret vir die kinders: treintjie, springkasteel en vele meer
Kom geniet 'n heerlike dag saam met ons!

Kontak Esmé gedurende kantoorure by 016 971 1999
of Dorea by 083 225 7391

- **Saterdag 31 Augustus: Ring van Zuurfontein: Ringsbasaar**
Gesamentlike basaar op terrein van Gemeente Zuurfontein
hv Highveld- en Monumentstraat, Kempton Park
Volle opbrengs om Gemeente Primrose finansieel by te staan
Al die normale basaarlinge gaan daar wees – kom kuier gerus saam!
Navrae aan Etienne Fourie by 082 555 1289
- **Saterdag 31 Augustus: Gemeente Ventersdorp
Boerebasaar**
Baie vleis te koop!
Kom geniet die pannekoek, vetkoek, kerrie-en-rys, heerlike tuisgebak...
Speletjies en ander vermaak vir die jongspan
Kontak Nico Kock by 083 204 6715
of ds Marius van Vuren by 072 850 4960
- **Saterdag 31 Augustus: Gemeente Mafeking
Basaar: Pirates@Mahikeng**
Fokus op die kind
Ollie die Nar met hope vermaak vir die kinders
Reusespringkasteel en *spookhuis*
Skattejag vir die jongspan
Die kinders kan kolwyntjies (*cupcakes*) versier en 'n groot prys wen
Kwalifiseer met donasie van slegs R50 (of veelvoude daarvan)
vir kontantpryse ter waarde van R10 000, R4 000 of R1 500
Kontak Kallie Landsberg (079 893 9031) of dr Annelie Botha (082 650 3494)
- **Saterdag 31 Augustus vanaf 09:00: Gemeente Glencoe
Basaar**
By die Moth-saal
Kinderpartytjie, pannekoek, *jaffles*, *Nuut tot antiek*
Vleis, lekkergoedtafel, koeke, teetuin, kunsvlyt en vele meer
Kontak Carlien Grobler by 076 042 7781
- **Vrydag 6 tot Saterdag 7 September: Gemeente Bothaville
Kaboemielie-fees**
Op die kerkterrein
Gaskunstenaar Snotkop; met Karlien, Adele Botes en meer
Vrydagaand 6 September: Veiling
Uitstallers te kies en keur
Kinderland met baie pryse om te wen
Groot pryse te wen – onder andere 10 speenkalwers
Biertent met tuisgemaakte bier
Street rods 'n moet-sien
Verfbal van Vrydag tot Saterdag
Kom deel in die *nagjag!*
Navrae aan ds Hennie Pretorius by 084 316 4111
of stuur 'n e-pos na henniepretorius@lantic.net
- **Vrydag 6 en Saterdag 7 September: Gemeente Sannieshof
Mielie Makietie**
Op die kerkterrein
Gaskunstenaar Adam Tas
8 m hoë en 100 m lange foefieslaaid
Wen R50 000 kontant of 25 ton mielies in Wen-'n-oes-kompetisie
2de prys: Diamant ter waarde van R20 000 of 5 ton sonneblom



Luister na Graan Suid-Afrika se voorsitter, Jannie de Villiers
Diamant-stormloop vir 'n diamant en talle halfedelgesteentes
Karaoke, visvang, skyfskiet en *Fear Factor*
Skiet met ons selfgebooue aartappelkanon en wen kontant
Strip-jou-moer-kompetisie
(Sondag 8 September ds CJ van Wyk van Randburg
en sy Geloof-in-aksie Motorfietsklub)
Kontak ds Paul Kern by 082 494 5347 of Elsa by elsaj@lantic.net

- **Saterdag 7 September: Gemeente El-Flora in Discovery
Karnaval om 10-jaar-bestaan te vier**
Heerlike eetgoed, stalletjies, vermaak vir oud en jonk
Navrae aan Christa Saayman by 082 448 5839
of ds Monja-Lize van Belkum by 082 786 5752
- **Saterdag 7 September: Gemeente Witfontein in Pretoria
10de Delwersfees**
Kerkterrein, hv Stasie- en Deetlefsstraat, Pretoria-Noord
Tradisionele delwersfeesontbyt met kaiings-en-pap
Poedings, koektafels, melkkos, lewerkoekies, teetuin, kerrie-en-rys,
pannekoek...
Groente, delwerskombuis, witolifanttafel, speelgoedtafels...
Pretpark vir die kinders, skyfskiet, kettieskiet, blaaspyp...
Outydse foto's kan geneem word
Groot gesoek en gedelf na R50 000 se kontantpryse
Vir die manne 'n bietjie kultuur te proe by die kultuurtafel
Feeswyn en Delwersfeeswyn beskikbaar
Kaartfasiliteite beskikbaar
Delwersfeesertifikate teen R20 elk
Beskikbaar by Paula Vermaak by kerkkantoor 012 546 5678 / 087 830 0686
of Jimmy 083 254 4771 of Janine 083 260 0983
- **Donderdag 12 tot Saterdag 14 September: Gemeente Bergsig
Bergsigmark vanaf 10:00, Saterdag vanaf 08:00**
hv Karel Trichardt- & Leonidestraat, Mountain View
Stalletjies te huur @ R200 vir die 3 dae
Teetuin met gebak, sjokoladefontein en malvalekkers op 'n stokkie
Etes schwarmas en pappadoms met vleisgeregte
Saterdag
Demonstrasies van skilderkuns deur mondschilders
Delwersoektog, potjiekoskompetisie, skyfskiet
Groot pryse te wen
Kontak Tina by 078 682 7093
- **Saterdag 26 Oktober: Gemeente Kempton Park-Oos
KPO Lekker Kuier Kontreifees**
Uitstallers en kosstalletjies
Gaskunstenaar Die Flooze (Sorina)
Toegang R20 per persoon
Kom geniet 'n heerlike dag
Kontak Anneline by 082 924 7344 of Marius by 072 778 1033

ANDER NUUS

- **VAKANTE POSTE: MAATSKAPLIKE WERKERS**
Die Ondersteuningsraad is 'n geregistreerde welsynsorganisasie wat maatskaplike dienste lewer. Die OSR beskik tans oor vakante maatskaplikewerkposte by die volgende kantore:



- o Brakpan (2 voldagposte)
- o Elsburg (1 voldagpos)
- o Vanderbijlpark (1 6/8ste pos)

Applikante moet aan die volgende vereistes voldoen:

- o Moet beskik oor 'n maatskaplikewerkgraad of kan 'n finalejaar (studies voltooi einde 2013) maatskaplikewerkstudent wees.
- o Moet oor 'n geldige rybewys beskik.
- o Moet by die Raad vir Maatskaplike Diensberoeperegistreer wees.

Kontakbesonderhede vir CV

Tel 012 322 8885 x290 (mev Ansie Cromhout), faks 012 322 5787

E-pos: oraad@nhk.co.za

- **VAKATURE: ASSISTENTVERPLEEGSTER**

By Andries-Marié Oosthuizen Monumenttehuis in Parys, Vrystaat

Tehuis vir verswakke en selfversorgende bejaardes

Pligte: Algemene versorging van inwoners, bedwas

en kliniekdienste soos die neem van bloeddruk

Vereistes: Goeie interpersoonlike en kommunikasievaardighede

Vorige ervaring in veld van verpleging van bejaardes sal sterk aanbeveling wees

Moet geregistreer wees by die Verpleegstersraad

Normale diensvoorwaardes

Stuur CV aan mev A Botha, faks 056 817 7525 of e-pos hf@otmt.org

- **BEELD-KINDERFONDS**

- o **Wen 'n Peugeot**

SMS PEUGEOT na 32541 of SMS KINDERS na 32541

R25 per SMS

- o **Super 10 Spinning Marathon**

Saterdag 7 September 07:00 tot 17:00

Centurion Mall

- o **Kerskonsert**

Woensdag 27 November in Pretoria

R110 en R155

Navrae aan Adrie van Staden by 011 976 2273 / 073 749 2697

Besoek www.beeldkinderfonds.co.za

- **ONDERWYSERSOPLEIDING**

Die **Rapport Onderwysfonds** (gestig in 2003) is 'n landwye nie-winsgewende weldaadsorganisasie (NPO-041-391) wat leningsbeurse aan Afrikaanssprekende onderwysstudente gee. **Onderwysstudente kan tot 16 September 2013 aansoek doen by www.rof.org.za om leningsbeurse vir 2014.**

Finansiële bydraes tot die ROF is belastingaftrekbaar. Artikel 18A-belastingvrystellingseffekte word ná ontvangs uitgereik. ROF is by die Nasionale Kredietreguleerder (NCRCP3885) geakkrediteer en is geregistreer as 'n NPO (041-319). Bankbesonderhede: Die Rapport Onderwysfonds, Absa, takkode 632 005, rekeningnommer 405 864 6741 (tjek).

Navrae aan Phil-Marie Roberts, Bemerkingsbestuurder, Rapport Onderwysfonds, 073 122 8800 / 021 406 3699 / Philmarie.Roberts@rapport.co.za.

- **Maandag 14 Oktober 09:00 tot 16:00**

Predikanteseminaar

Tema: *Tussen-Testamentêre Tydperk / Tweede Tempelperiode – stil of nie?*

Noordwes-Universiteit, Potchefstroom-kampus

Kamer 204, Fakulteit Teologie

Aanbieders dr Jacobus de Bruyn en mnr Eugene Coetzer



Alle kerkverbande se leraars word uitgenooi
Dien as verdere opleiding vir predikante
R320 per persoon, sluit middagete en verversings in
Inskrywings teen **Vrydag 20 September** op die laatste
Navrae aan dr Jacobus de Bruyn by 072 606 1661 /
jacobus.debruyn@gmx.com

Advertensies in die e-Hervormer

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die e-Hervormer geplaas word. Indien 'n jpg-weergawe van die advertensie voorsien word, moet dit verkieslik nie groter as 'n standaard besigheidskaartjie wees nie. Stuur die voorgestelde teks van nie meer as 110 woorde met of sonder eenvoudige grafika of 'n foto saam met die bewys van betaling aan mev Tessa Oppermann, per faks na 086 633 4059, of per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskyning. Die e-Hervormer word normaalweg Woensdae saamgestel en verskyn dan die Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. Die koste is R150 per plasing (BTW ingesluit).

Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + e-Hervormer Ads.

KOMMENTAAR

Lesers kan kort kommentaar (uiters 100 woorde) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na www.nhka.org → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die e-Hervormer berus by die redakteur.

“Insake gemeentes se onafhanklikheidsverklaring van AKV-besluite het ek hul besluite (asook hul Bondsvergaderingsbesluite) en die Kerkorde deurgewerk. Dis onkerkordelik, maar ewe onkerkordelik om hierdie gemeentes buite die NHK te beskou. Albei verg hantering. Kerkordelik bly alle betrokke lidmate NHK-lidmate, uitgesonder enkele voormalige predikante. Huidige toenemende aansprake dat hierdie gemeentes afgeskei/weggebreek het, is gewoon inkorrekt. Meeste betrokke lidmate in hierdie gemeentes hoop steeds op die 70ste AKV. Besluit 54/69 se gevolge kan moontlik uitloop op kerkskeuring, maar het nog nie. Kerkskeuring kan afgeweer word. Met hierdie kerkordelike realiteit gaan ons die 70ste AKV tegemoet.”

Oudl Jan Oberholzer, Gemeente Pretoria

(Alhoewel die skrywer se reg op sy mening gerespekteer word, moet ons daarop wys dat dit lynreg verskil van die amptelike standpunt van die Nederduitse Hervormde Kerk, soos verwoord in Omsendkrywe Nr 11 van 2013, wat gelees kan word by www.nhka.org → So sê ons → Omsendbriewe. – Redakteur)

Kerkpublikasies

KONTEKS www.konteks.co.za
Vensters op Kerkwese - September 2013 In Christus is voortpore

In Konteks van September 2013

- Sing 'n psalm vir die Here
- Ook jý is beelddraer van God!
- Maak kennis met die ring van Vereeniging

Slegs R18 per individuele uitgawe (R20 in 2014)

R150 vir 10 uitgawes (R170 in 2014)

Bestel by sentik@nhk.co.za of by u gemeentelike kantoor

Die Hervormer
 Amptelike mondstuk van die Nederduitse Hervormde Kerk van Afrika www.hervormer.co.za

In Die Hervormer van September 2013

- Is ons Kerk soos 'n stad op 'n berg?
- Waarom 'n tweedag-werksessie by die AKV?
- Doop van kinders uit saamwoonverhoudings

Slegs R12 per individuele uitgawe (R15 in 2014)

R110 vir 11 uitgawes (R120 in 2014)

Bestel by sentik@nhk.co.za of by u gemeentelike kantoor

Bybelse Dagboek / Almanak 2014

R130
 (posgeld uitgesluit)

Kry belangrike inligting oor die Hervormde Kerk én 'n inspirerende Bybelse dagboek in een omslag

Bestel **NOU**.

Bestel by sentik@nhk.co.za of by u gemeentelike kantoor

GELOOFSBRIEF
70STE ALGEMENE KERKVERGADERING



Die Skriba
Algemene Kerkvergadering

Die kerkraad van die Nederduitsch Hervormde gemeente

.....

het in sy vergadering van

.....

die volgende ampsdraers as verteenwoordigers van hulle ampte afgevaardig na die Algemene Kerkvergadering wat DV sitting sal neem op

Sondag 22 September 2013 tot Saterdag 28 September 2013

te Pretoria in die Aula by die Universiteit van Pretoria.

AFGEVAARDIGDES

OUERLINGE

Primus:

Sekundus:

Van Van

Voorletters (doopname) Voorletters (doopname)

Noemnaam Noemnaam

.....
Voorsitter

.....
Skriba